

Simar cu constelacion nobo

Den e reunion general anual cu a tuma luga diamars anochi 29 di april na sede di SIMAR, miembronan a eligi

nan directiva pa añanan sindical 2014-2016. E constelacion nobo ta compañañanan: Natalie Carlo, Maroeschka



Cornelie, Carolina Kelkboom, Sheila Tromp kendenan a wordo reeligi y Aquanette Gunn ta un miembro nobo.

Den e reunion aki trata tambe diferente puntonan. Entre otro: relatonan di secretaria, tesorero, y di comision di caha. E presupuesto pa 2014 tambe a keda aproba.

Diamars awo e directiva nobo lo reuni pa reparticion di tarea. Entre otro lo dicidi cua di e cinco damanan lo guia e sindicato como presidente pa e proximo dos añanan sindical.

Mester remarca cu pa prome biaha den historia di SIMAR, e directiva ta consisti completamente di damanan.

Presidente saliente, Sr. Igmard Davelaar, pa motibonan personal no a pone su mes reeligibel. Den un relato cortico Sr. Davelaar a conta na prome luga tocante su retornan y trabounan y a menciona cu entre otro un di su metanan tabata pa trece trankilidad den e sindicato y esaki a logra tambe.

Na di dos luga Sr. Davelaar a gradici demas miembronan di directiva pa nan trabou, nan dedicacion y nan perseverancia a pesar cu e directiva tabata consisti di solamente cinco persona. A gradici na e ocasion aki tambe miembronan di comision di caha Sra. Aquanette Gunn y sr. Dimitri Frans y tambe e miembronan di SIMAR pa nan confiansa den dje.

Por ultimo Sr. Davelaar a laga sa cu e directiva nobo por conta cu su sosten y ayudo na tur momento. □